

Consillu Armânjloru

(Consillu Makedonarmânjloru)

www.makedonarman-council.org e-mail : info@makedonarman-council.org

Trâ Multsâ Anji 2013!

Tinjisits Armânji di Iutsido!

Biroulu di Cumândâseari a Consillui Makedon-Armânjloru (CMA) vâ uarâ, a voaua sh-a fumeiljloru a voasti, unu Anu Nău 2013, cu sânâtati, ghineatsâ sh-cu cama multu amintaticu trâ Armânami !

Tu anlu 2012, la Andamusea Armânjloru di Iutsido tsi s-ari dizvârtitâ tu meslu Agustu, kiro di dauâ dzâli, tu câsâbălu Crushuva / Ripublica Makidunia – Armânji vinitis di iutsido, pali avurâ haraua s-bâneadzâ unâ dukeari safi armâneascâ, ashi cumu fu sh-prota Mari Andamusi a Armânjloru di aoa sh-doi anji tsi s-ari dizvârtitâ Muscupolea / Arbinishii.

Trâ aestă mari andamusi, cumu sh-ti alanti iventuri tsi s-dizvârtirâ estanu tu craturli ditu Balcanu iu bâneadzâ Armânjlji, Consillu a Makedon-Armânjloru hâristuseashti nica nâ oarâ Armânjloru cari, cu multu copusu, agiutarâ ta sâ s-poatâ s-facâ „ ahtări yisi“.

Anlu 2013, tsi mâni ankiseashti, nâ thimiseashti dauâ frândzâ di simasii ditu isturia Armânjloru, unâ frândzâ di pirifanji sh-unâ nitihiroasâ, di taxirati:

- aoa sh-dauâ suti di anji, la anlu 1813, Viena, Mihail Boiagi – unu mari patriotu armânu ama sh-unu mari umanistu ditu atselu kiro – ascoasi tu videalâ prota Gramaticâ Armâneascâ, shtiintsificâ, anyrâpsitâ cu yrami latini, unâ carti cu locu aleptu shi di frânti tu laolu ditu Balcanu – cara s-minduimu câ tuti alanti limbi ditu aestu spatsu sh-tipusirâ gramatica a loru multu ma amânatu. Semnu di mari dishcljideari, Gramatica alu Boiagi fu anyrâpsitâ tu trei limbi: armâneascâ sh-dauâ mări limbi di urdinari evropeanâ: elinâ shi ghermanâ.
- aoa sh-unâ sutâ di anji, la anlu 1913, dupu defturlu polimu balcanicu, cådearea a Amirâriljei Otomanâ, sh-dupu nitihiroasa “Irinie di Bucureshti” – Makidunia fu ampârtsâtâ, sh-unâ oarâ cu ea, Armânjlji intrarâ tu aumbra a isturiljei.

Trâ aesti doauâ ivernturi ditu isturia Armânjloru, tsi n-adusirâ unâ harauâ sh-unâ tâxirati, Consillu Makedon-Armânjloru mindueashti câ Armânnamea prindi sâ spunâ câ nica bâneadzâ shi câ sh-bâgă tutâ nâdia tru naua Evropâ tsi s-kindrueashti adzâ.

Consillu Makedon-Armânjloru
Biroulu di Cumândâseari

tu 31-li di Andreu, 2012

(Bulitinu Infurmativu Nr. 39)